

徑山藏版

明 版

嘉興大藏經

第二十冊

新文豐出版公司印行

中華民國七十六年四月台一版

版權

所有



明版
嘉興大藏經

精裝全四十冊基價一、〇〇〇元正

版藏者 徑山 藏版
發行人 高 本 劍
發行所 及 新文豐出版股份有限公司

公司：臺北市雙園街九十六號
電話：三〇六〇七五七、三〇八八六二四
門市部：臺北市羅斯福路一段二十號八樓
電話：三四一五二九三、三四一五二九四
台北郵政三六四三信箱
登記證：局版臺業字第〇六四九號
郵政劃撥：〇一〇〇四四二六號

明版
嘉興大藏經
第一二冊目錄



一	大方廣佛華嚴經疏鈔八十卷	懸談八卷	別行疏一卷	凡例一卷	音釋一卷	唐澄觀撰述……一
卷	三〇	十廻向品第二十五之八（金）……	卷	三四之六	十地品第二十六之一（崑）……	一二
卷	三一	十廻向品第二十五之九（金）……	卷	三五之一	十地品第二十六之二上（岡）……	一三
卷	三二	十廻向品第二十五之十（生）……	卷	三五之二	十地品第二十六之下（劍）……	一四
卷	三三	十廻向品第二十五之十一（生）……	卷	三六之一	十地品第二十六之三上（號）……	一五
卷	三四之一	十地品第二十六之一（麗）……	卷	三六之二	十地品第二十六之三下（巨）……	一六
卷	三四之二	十地品第二十六之一（水）……	卷	三七之一	十地品第二十六之四上（闕）……	一七
卷	三四之三	十地品第二十六之一（玉）……	卷	三七之二	十地品第二十六之四下（珠）……	一八
卷	三四之四	十地品第二十六之一（出）……	卷	三八之一	十地品第二十六之五（稱）……	一九
卷	三四之五	十地品第二十六之一（崑）……	卷	三八之二	十地品第二十六之五（夜）……	二〇
	……	……		……	……	二一
	……	……		……	……	二二
	……	……		……	……	二三
	……	……		……	……	二四
	……	……		……	……	二五
	……	……		……	……	二六
	……	……		……	……	二七
	……	……		……	……	二八
	……	……		……	……	二九
	……	……		……	……	三〇
	……	……		……	……	三一
	……	……		……	……	三二
	……	……		……	……	三三
	……	……		……	……	三四
	……	……		……	……	三五
	……	……		……	……	三六
	……	……		……	……	三七
	……	……		……	……	三八
	……	……		……	……	三九
	……	……		……	……	四〇
	……	……		……	……	四一
	……	……		……	……	四二
	……	……		……	……	四三
	……	……		……	……	四四
	……	……		……	……	四五
	……	……		……	……	四六
	……	……		……	……	四七
	……	……		……	……	四八
	……	……		……	……	四九
	……	……		……	……	五〇
	……	……		……	……	五一
	……	……		……	……	五二
	……	……		……	……	五三
	……	……		……	……	五四
	……	……		……	……	五五
	……	……		……	……	五六
	……	……		……	……	五七
	……	……		……	……	五八
	……	……		……	……	五九
	……	……		……	……	六〇
	……	……		……	……	六一
	……	……		……	……	六二
	……	……		……	……	六三
	……	……		……	……	六四
	……	……		……	……	六五
	……	……		……	……	六六
	……	……		……	……	六七
	……	……		……	……	六八
	……	……		……	……	六九
	……	……		……	……	七〇
	……	……		……	……	七一
	……	……		……	……	七二
	……	……		……	……	七三
	……	……		……	……	七四
	……	……		……	……	七五
	……	……		……	……	七六
	……	……		……	……	七七
	……	……		……	……	七八
	……	……		……	……	七九
	……	……		……	……	八〇
	……	……		……	……	八一
	……	……		……	……	八二
	……	……		……	……	八三
	……	……		……	……	八四
	……	……		……	……	八五
	……	……		……	……	八六
	……	……		……	……	八七
	……	……		……	……	八八
	……	……		……	……	八九
	……	……		……	……	九〇
	……	……		……	……	九一
	……	……		……	……	九二
	……	……		……	……	九三
	……	……		……	……	九四
	……	……		……	……	九五
	……	……		……	……	九六
	……	……		……	……	九七
	……	……		……	……	九八
	……	……		……	……	九九
	……	……		……	……	一〇〇

卷三八之三	十地品第二十六之五(夜)……	卷四八之二	如來隨好光明功德品第三十五(重)……
卷三九	十地品第二十六之六(光)……	卷四九	普賢行品第三十六(重)……
卷四〇	十定品第二十七之一(果)……	卷五〇	如來出現品第三十七之一(芥)……
卷四一	十定品第二十七之二(果)……	卷五一之一	如來出現品第三十七之二(薑)……
卷四二	十定品第二十七之三(珍)……	卷五一之二	如來出現品第三十七之二(薑)……
卷四三	十定品第二十七之四(珍)……	卷五二之一	如來出現品第三十七之三(海)……
卷四四之一	十通品第二十八(李)……	卷五二之二	如來出現品第三十七之三(海)……
卷四四之二	十忍品第二十九(李)……	卷五三	離世間品第三十八之一(鹹)……
卷四四之三	十忍品第二十九(李)……	卷五四	離世間品第三十八之二(鹹)……
卷四五之一	阿僧祇品第三十(秦)……	卷五五	離世間品第三十八之三(河)……
卷四五之二	如來壽量品第三十一(秦)……	卷五六	離世間品第三十八之四(河)……
卷四五之三	諸菩薩住處品第三十二(秦)……	卷五七	離世間品第三十八之五(淡)……
卷四六	佛不思議法品第三十三之一(榮)……		
卷四七	佛不思議法品第三十三之二(榮)……		
卷四八之一	如來十身相海品第三十四(重)……		

卷	六八	入法界品第三十九之九（師）	五九五
卷	六七	入法界品第三十九之八（師）	五八六
卷	六六	入法界品第三十九之七（龍）	五七七
卷	六五	入法界品第三十九之六（龍）	五七〇
卷	六四	入法界品第三十九之五（翔）	五五九
卷	六三	入法界品第三十九之四（翔）	五四四
卷	六二	入法界品第三十九之三（羽）	五三四
卷	六一	入法界品第三十九之二（羽）	五二四
卷	六〇之二	入法界品第三十九之一（潛）	五二三
卷	六〇之一	入法界品第三十九之一（潛）	五〇四
卷	五九	離世間品第三十八之七（鱗）	四九七
卷	五八之二	離世間品第三十八之六（鱗）	四九〇
卷	五八之一	離世間品第三十八之六（淡）	四九〇
卷	六九	入法界品第三十九之十（師）	六〇三
卷	七〇	入法界品第三十九之十一（火）	六一二
卷	七一	入法界品第三十九之十二（火）	六一九
卷	七二	入法界品第三十九之十三（火）	六二五
卷	七三	入法界品第三十九之十四（帝）	六三四
卷	七四	入法界品第三十九之十五（帝）	六三九
卷	七五	入法界品第三十九之十六（帝）	六四六
卷	七六	入法界品第三十九之十七（鳥）	六五〇
卷	七七	入法界品第三十九之十八（鳥）	六五九
卷	七八	入法界品第三十九之十九（官）	六七三
卷	七九	入法界品第三十九之二十（官）	六八三
卷	八〇	入法界品第三十九之二十一（官）	六九〇
卷	八〇	入法界品第三十九之二十一（官）	六九七

大方廣佛華嚴經疏鈔卷三十三

千闍國三藏沙門實叉難陀譯

清涼山大華嚴寺沙門澄觀撰述

十迴向品第二十五之八

佛子何者是菩薩摩訶薩真如相迴向

疏第八具如相迴向長行中二先廣明後結示前中亦二先明位行後辨位果前中亦三本初標名善根合以成迴向從所依立名義通能所故本業云常照有無二諦一切法一合相故若梵本中具名具如相自性迴向相即德相性即體性以二非

華嚴疏鈔卷三十三

即離所以雙舉多說德相唐本單名即以法界印而為其性此與前後異者謂第七明會事向理故云平等此明事盡理現故行等同如第九明從體起用第十明用同體同體而用餘如第四迴向會釋鈔從所依立名者但言真如相即是所依善根合如故義通能所常照者以有能所况一合相復有二義一有無不二即一合相以同如故二智與境冥絕能所故即通能所為如相矣即以法界下四出體能所契合為法界故此與前後下五揀證前即第七以平等隨順眾生故後即九十九即

離於能所縛著故十入法界亦契合故故其四名多分相證疏揀可知餘如第四迴向者彼以善根如於實際故至一切處前對此揀竟故今不對第四揀之

佛子此菩薩摩訶薩正念明了其心堅住遠離迷惑專意修行深心不動成不壞業趣一切智終不退轉志求大乘勇猛無畏植諸德本普安世間生勝善根修白淨法大悲增長心寶成就常念諸佛護持正法於菩薩道信樂堅固

疏第二依微廣釋中三初明隨相迴向二佛子善

華嚴疏鈔卷三十三

薩摩訶薩以此善根下離相迴向三佛子此菩薩摩訶薩如是迴向時得一切下迴向成益初中分二先積善迴向後佛子菩薩摩訶薩若見下觸境迴向前中亦二先明所迴行體後菩薩爾時慧眼攝將迴向前中亦二先積集資糧後成就無量下結德成就今初文有十句初一為總謂正念堅明下九為別文有三節初三正念善提一遠離迷惑是明了義專意修行即為正念正念是定明了是慧定慧雙運為道之源二契理不動故曰深心緣不能沮成不壞業即自分堅住三求佛不退

印勝進堅住次四句正念化生初句為總勇求兼濟為大法故下三句別一悲智雙運為明了般若為眾德之本故二進善去漏為正念三悲增智圓為堅住後三正念三寶一念佛二護法三信僧上有正念下句堅固影畧該攝

成就無量淨妙善根勤修一切功德智慧為調御師生眾善法以智方便而為迴向

疏二結德成就文有四句前三結前一非止上十故云無量二三統而收之不出福智大悲末句生後迴向

華嚴疏鈔卷三十三

菩薩爾時慧眼普觀所有善根無量無邊

疏第二攝將迴向中二先觀察善根本期迴向一以諸善根下正明迴向今初有三初總標

其諸善根修集之時若求緣若辨具若淨治若趣入若專勵若起行若明達若精審若開示

疏次其諸善下別顯

如是一切有種種門種種境種種相種種事種種分種種行種種名字種種分別種種出生種種修習

疏三如是下總結結於中二先結種類多門有十句謂隨前末緣等有多差別一通游非一故如一趣

入為用有門為用空門乃至無量故慈行童女云諸佛各以異門令我入此普莊嚴門二隨其一門緣何為境為佛為法等三隨一境上相貌不同四相所依事謂色心等五隨一事上有多分位六施等萬行七能詮名字八分別決澤九生多知見十若定若慧上中下修

其中所有一切善根悉是趣向十力乘心之所建立皆悉迴向一切種智唯一無二

疏後其中下結修本意本意既然寧不迴向以諸善根如是迴向所謂願得圓滿無礙身業修善

華嚴疏鈔卷三十三

四

隨行願得清淨無礙口業修善隨行願得成就無礙意業安住大乘願得圓滿無障礙心淨修一切諸善隨行願起無量廣大施心周給無邊一切眾生願於諸法心得自在演大法明無能障礙願得明達一切智處發菩提心普照世間願常正念三世諸佛諸想如來常現在前願住圓滿增上志樂遠離一切諸魔怨敵願得安住佛十力智普攝眾生無有休息

疏第二正明迴向分二初向菩提二佛子菩薩摩訶薩如為已身下迴向眾生前中有二十願分三初十願願成智行即菩提因果

願得三昧遊諸世界而於世間無所染著願任諸世界無有疲厭教化眾生恒不休息願起無量思慧方便成就菩薩不思議道願得諸方不迷惑智慧能分別一切世間

疏二得三昧下四願周徧利生即化用因果一化所依二化時處三知藥治四識病宜

願得自在神通智力於一念中悉能嚴淨一切國土願得普入諸法自性見一切世間悉皆清淨願得生起無差別智於一剎中入一切剎願以一切剎莊嚴之事顯示一切教化無量無邊眾生願於一佛剎中

示無邊法界一切佛刹悉亦如是願得自在大神通
智普能往詣一切佛土

疏三得自在下六願普嚴佛刹即淨土因果一神
通智嚴淨事土二入理智嚴法性土亦非嚴嚴故
三事理無礙智嚴帝網土四以前三嚴用化眾生
上四因圓後二果滿

佛子菩薩摩訶薩以諸善根願得莊嚴一切佛國願
得周備一切世界願得成就智慧觀察如為己身如
是迴向如是而為一切眾生

疏第二迴向眾生文三初牒前起後即從後倒牒

前之三

所謂願一切眾生永離一切地獄畜生閻羅王趣願
一切眾生除滅一切障礙之業願一切眾生得周普
心平等智慧願一切眾生於怨於親等心攝受皆令
安樂智慧清淨願一切眾生智慧圓滿清淨光普照願
一切眾生思慧成滿具實義願一切眾生以淨志
樂趣求菩提獲無量智願一切眾生善能顯示安隱
住處

疏二所謂下正顯迴向文有八句初二願離三障
障礙之言義兼煩惱次四成四智後二結二果謂

華嚴疏鈔卷三十 六

菩提涅槃菩提不唯四智故云無量

佛子菩薩摩訶薩恒以善心如是迴向為令一切眾
生遇清涼雲注法雨故為令一切眾生常值福田勝
境界故為令一切眾生皆能善入菩提心藏自護持
故為令一切眾生離諸蓋纏善安住故為令一切眾
生皆獲無礙神通智故為令一切眾生得自在身普
示現故為令一切眾生成就最勝一切種智普興利
益無空過故為令一切眾生普攝羣品令清淨故為
令一切眾生皆能究竟一切智故為令一切眾生心
不動搖無障礙故

疏三佛子下總結所為

佛子菩薩摩訶薩見可愛樂國土園林草木華果各
香上服珍寶財物諸莊嚴具或見可愛樂村邑聚落或
見帝王威德自在或見往處離諸諍難見是事已以
方便智精勤修習出生無量勝妙功德為諸眾生勤
求善法心無放逸廣集眾善猶如大海以無盡善普
覆一切為眾善法所依之處以諸善根方便迴向而
無分別開示無量種種善根智常觀察一切眾生心
恒憶念善根境界以等真如平等善根迴向眾生無
有休息

華嚴疏鈔卷三十 七

疏第二觸境迴向大同淨行對境發願於中五一
列所見境一見是事下觀境成德謂增悲智三以
諸善根下總明迴向亦是迴向之德四菩薩爾時
下別明迴向五佛子下迴向成益前三可知

菩薩爾時以諸善根如是迴向所謂願一切眾生得
諸如來可愛樂見見法真性平等平等無所取著圓
滿清淨願一切眾生見諸如來甚可愛樂圓滿供養
願一切眾生往生一切無諸煩惱甚可愛樂清淨佛
刹願一切眾生得見諸佛可愛樂法願一切眾生常
樂護持一切菩薩可愛樂行願一切眾生得善知識

可愛樂眼見無所礙願一切眾生常見一切可愛樂
物無有違逆願一切眾生證得一切可愛樂法而勤
護持願一切眾生於一切佛可樂法中得淨光明願
一切眾生修諸善法一切能捨可愛樂心願一切眾
生得無所畏能說一切可愛樂法願一切眾生得諸
菩薩極可愛樂甚深三昧願一切眾生得諸菩薩甚
可愛樂陀羅尼門願一切眾生得諸菩薩甚可愛樂
善觀察智願一切眾生能現菩薩甚可愛樂自在神
通願一切眾生能於諸佛大眾會中說可愛樂甚深
妙法願一切眾生能以方便開示演說甚可愛樂差

華嚴疏鈔卷三十

別之句願一切眾生常能發起甚可愛樂平等大悲
願一切眾生念念發起甚可愛樂大菩提心常令諸
根歡喜悅豫願一切眾生能入一切其可愛樂諸如
來家願一切眾生得可愛樂能調伏行調伏眾生無
有休息願一切眾生得諸菩薩甚可愛樂無盡辨才
演說諸法願一切眾生於不可說不可說劫住於一
切可愛樂世界教化眾生心無厭倦願一切眾生以無
量方便善能悟入甚可愛樂諸佛法門願一切眾生
得可愛樂無礙方便知一切法無有根本願一切眾
生得可愛樂離貪欲際知一切法畢竟無二斷一切

障願一切眾生得可愛樂離貪欲際知一切法平等
真實願一切眾生具足圓滿一切菩薩甚可愛樂無
戲論法願一切眾生得金剛藏精進之心成可愛樂
一切智道願一切眾生具可愛樂無礙善根摧伏一
切煩惱怨敵願一切眾生得可愛樂一切智門普於
世間現成正覺

疏四初中句總標標將說別上起行中云以諸善
根方便迴向未知迴向其相云何故云爾時如是
迴向後所謂下別顯顯如是言三十一願皆言令
得可愛樂者由見可愛樂境起可愛樂善故願成

華嚴疏鈔卷三十 九

可愛樂德釋此諸願通有二意一橫對上境發等
流願二豎配地位以彰總願總者隨見一境即多
多願該因果故言橫對者初之十願對上國土一
若見國土當願眾生見法性土二土之供具三通
受用變化淨土餘皆土中之事可以意得對此一
境發十願者以一例諸皆應有多不欲繁文下漸
從畧 鈔三通受用者但言清淨變化亦有淨故
無諸煩惱則是受用既眾生往生故皆通也餘皆
是土中之事者四法即法門流布五行即菩薩修
行六即天眼常喜世界生者天眼徹見十方七則

水鳥樹林花池寶閣。八護法九證法十心無著。
疏次得無畏下三願對上園林無漏法林無所畏
故總持三昧為園苑故。鈔無漏法林等即淨名
佛道品無漏法林樹總持之園苑下經三昧為園
苑故。

疏次一願對上草木善觀五乘三草二木智差別
故。鈔對上草木者三草二木即法華藥草喻品
初會已引五乘差別但由智異故將善觀察智以
對草木。

疏次三對華神通等法如華開敷處眾開演皆華

華嚴疏鈔卷三十 十

數故果之一種留在後明

疏從發大悲下一願以對一境謂大悲重心以對
上香令根喜悅如彼上服生如來家得珍寶分以
調伏行為聖財物無礙辨說為莊嚴具可樂世界
猶如於村悟入多門等彼城邑無礙無本如彼聚
落畢竟無二若國無二王證離欲際方得自在無
礙論法為離離離後三句即對前果。

疏二豎配地位者文分為二前顯因圓後二果滿
前中分三初七未入法者令得入法即是地前一
最初發心同佛見理一行法供養此二十信三生

諸佛前四解心見法此二十住五如說行即是十
行六同善友見七觸境無違此二十何。

疏二證得下十七願已入法者令得入地初二初
地。證如理。二得教光。三成施行。次一二地行不
慮誤犯故無所畏愛語偏多故能說法。火二三地
行習諸禪定求多聞故。火有三願如次三地謂焰
慧觀道品難勝具神通現前深般若火方便下二
願七地行謂方便偏多故。雖善修空無相而慈悲
不捨眾生故云平等大悲。火二八地行謂諸佛勸
起利他大心無間現前常悅豫故得無生忍真生

家故次二九地行善知稠林能調伏故四十無礙
辨善說法故。次二十地行得入劫智入微塵世界
等廣利樂故能受如來大法雨故。

疏三有四願已入地者成普賢位。一切境中得
無礙見覺法本源無根本故。得無二住斷二障
故三任真實際等如來故四得寂滅忍無戲論故
疏第二三願明果滿者即是二德亦初金剛智而
為能斷次離二礙以為所斷此二為無間道後一
解脫道證成出現智周法界故用前一釋文旨有
據次第無差金剛幢之巧談非說者之穿鑿也。

鈔第二三願者能斷是般若所斷是解脫智周法
界即法身取所證故又初智德次即斷德後即恩
德恩德故能現世間故涅槃三德釋中云如來之
身亦非涅槃通色身故。

佛子菩薩摩訶薩修習如是諸善根時得智慧明為
善知識之所攝受如來慧日明照其心永滅癡冥勤
修正法入諸智業善學智地流布善根充滿法界以
智迴向盡諸善善根源底以智深入大方便海成
就無量廣大善根。

疏第五願向成益中先明得時後得智下正顯十

華嚴疏鈔卷三十 十一

句攝為五對。一以因感緣由智內明外為友攝。二
以緣感因外蒙慧照內滅癡冥此除障益。三由勤
修入三慧業此明學益。四上學證智自善普充。此
證入益。五盡善福源入實智海此成二嚴益即為
向實際之本以智窮入故。

佛子菩薩摩訶薩以此善根如是迴向所謂不著世
間不取眾生其心清淨無所依止正念諸法離分別
見不捨一切佛自在慧不違三世一切諸佛正迴向
門隨順一切平等正法不壞如來真實之相。
疏第二離相迴向即向實際此與前諸迴向小異

前多攝相歸性少有依性起相今此多顯性相無
礙以為如相故上諸標文皆顯前隨相之時今不
要對前以成無礙故無時字。文分為二初直明迴
向後譬如下對如廣辨。今初分二初順如之行。二
於諸佛法下順如之益前中亦二先約心明則止
觀雙運不著有無後雖善下別約行明則權實雙
行不違性相。今初復二。一止寂妄取不違體用。二
等觀下觀達空有信智雙圓。前中初二句標次
其心下二句釋上句無所取故下句離能取故不
捨下明其不違。一不違因。二不違法。三不違果。所

華嚴疏鈔卷三十 十二

以不違者不著無故。

等觀三世無眾生相善順佛道善說於法深了其義
入最勝地悟真實法智慧圓滿信樂堅固。
疏觀中初觀真空善順下觀其妙有。

雖善修正業而知業性空。一切法皆如幻化知一
切法無有自性觀一切義及種種行隨世言說而無
所著除滅一切執著因緣知如實理觀諸法性皆悉
寂滅。一切法同一實相知諸法相不相違背與諸
菩薩而共同止修行其道善融眾生入去來今一切
善隨迴向之門。

疏二權實雙行中初句立宗以無礙為宗次句同
喻如幻相有體即虛故後知一切下合及出所因
一法無性故。二觀一切下觀無著故上二願於空
如三知如實下知一實故則順不空如四知諸法
下結成無違五與諸下結成所作謂能橫入一道
豎入一門。鈔初句立宗者即雖善修正業而知
業性空量云正業是有法空有無礙是宗法因云
緣成即無性故同喻云如幻幻法從緣生空有不
相礙正業從緣生同彼幻法不相礙。
於諸佛法心無驚怖以無量心令諸眾生普得清淨

於十方世界不起執取我我所心於諸世間無所分別於一切境界不生染著勤修一切出世間法於諸世間無取無依於深妙道正見牢固離諸妄見了真實法

疏二順如益中十句五對令四心彌固。上安深法下淨眾生即廣大心。二我不生世見斯絕即不顛倒心。三於境無染出世勤修四不依世間正道唯固上二即第一心無住涅槃為第一故。五妄見斯寂了實體同即常心常不捨離同體悲故。鈔十句五對者即天親般若論中答住問也若依

無著即當第一發心住處然無著十八住處住皆答三問三問即應云何住應云何修行應云何降伏。秦經闕修行問合在二言發心住處者經佛告須菩提菩薩應如是降伏其心所有一切眾生之類若卵生若胎生若濕生若化生若有色若無色若有想若無想若非有想非無想即廣大心我皆令人無餘涅槃而滅度之。心也如是滅度無量無數無邊眾生實無眾生得滅度者。常心也何以故須菩提若菩薩有我相人相眾生相壽者相即非菩薩。論例云廣第一常

華嚴疏鈔卷三十 五

其心不顛倒利益深心住此乘功德滿此偈上半標四心下半說住義四心利益具自他行故此深心菩薩應住大乘功德盡圓滿矣四心者二界九類皆盡度之是廣大心令人無餘涅槃是第一心二乘尚有二餘非曰無餘不名第一今二種涅槃無餘第一四涅槃中無住涅槃方為第一今言無餘即佛無住任昔但有二涅槃故不言無餘耳彼疏科上三心名加行任言常心者論云如是取眾生如我身常不捨離是名常心偈中利益解其常義謂度眾生常不離大悲同體如我之心故名常

矣疏科此心為修行定言不顛倒心者疏科為折散心言不顛倒者論云此示現離依止身見眾生等相故依身執我名為身見有我等四即非菩薩是名顛倒今離此四即是菩薩非顛倒心大雲言此文即根本智前文大悲是後得智由根本智離我見故前大智悲觀無眾生相始得成就又大雲解實無眾生得滅度者總有五義一眾生性空故無可滅二菩薩後得智同體大悲離自身外無別眾生即無他體於根本智必先自離我見之相即自無體既無自他實無眾生得滅度矣三一切眾生本來寂滅不更滅故四順法性法性無念心若起念即違法性故五解法界不度眾生天親解云平等真法界佛不度眾生以眾生名各即法界眾生陰身陰即法界眾生與佛同一法界豈於此理度眾生哉故淨名云眾聖賢亦如也至於彌勒亦如也若彌勒得授記者一切眾生亦應授記以同一如不應別故斯理特深天親下文有此解者謂教地上諸大菩薩以初地上盡證真如今地上學佛平等法界觀矣而今天親即解此文大悲同體是地而學地上觀故為此釋天親妙意今日曉

華嚴疏鈔卷三十 六

矣釋曰上皆彈公之意今謂不然且問寂滅與空為一為異若言一者則初三不別若言異者異相云何豈不詮言法性本空寂耶又寂滅言但是盡相為顯實耶若是顯實即同第五同一法界又同體悲寧殊同一法界又五法界與順法性復何差別非無念智不各真解是知論明法界生佛相望論明同體菩薩望生故不應二則上五解唯應為二其無念義應合在於不顛倒心經唯舉我為顯例法執不亡豈非顛倒故不顛倒約止絕妄想同體常心觀冥冥理是故經文以不顛倒釋上常心

為法有非異義而起信云無遣曰真無立曰如唯就遮詮頓彰真理鈔順緣曰如者即隨緣義淨名云法隨於如無所隨故今謂如隨於法無能隨故以如性空方能隨緣成一切故而起信下此論解釋分中初釋真如門正舉法體有二一正顯如體二會執釋名初門論云心真如者即是一法界大總相法門體所謂心性不生不滅一切諸法唯依妄念而有差別若離心念則無一切境界之相是故一切法從本以來離言說相離名字相離心緣相畢竟平等無有變異不可破壞唯是一心故

華嚴疏鈔卷三十 大

名真如釋曰此上論文自有三段一就實界標二一切諸法下會妄顯真三是故下結真離妄此三皆是正顯如體即離妄偽為真離異相為如今疏所引即會執釋名具足論云以一切言說假名無實但隨妄念不可得故言真如者亦無有相謂言說之極因言遣言此真如體亦無可遣以一切法悉皆真故亦無可立以一切法皆同如故當知一切法不可說不可念故名真如釋曰此上論文初二先釋後當知一切下結前中分三初正會執恐有執言上言離名字相何故復立真如之名故

云此真如名亦是假說一言說之極下約名釋疑
疑云若但假立何故不立餘名而立真如釋云真
如者言說之極此後更無有名故攝論中謂真如
為究竟名故云極耳因言遣言立此極名若無此
名無以遣名若存此名亦不遣名三此真如體亦
無可遣下約相釋遺言有多釋今並不依今謂此
即非安立真如若安立說遺妄曰真顯理為如同
唯識意今正拂此二無法非真何有妄可遣耶則
真非真矣無法不如何有理可顯耶故如非如矣
斯則無遣無立為非安立之真如矣故疏結云唯

華嚴疏鈔卷二十 九

就遮詮頓彰真理

疏一明種類或唯一味無有差別或分為二即生
空真如法空真如又安立非安立二又空不空二
並如常釋或分為三約三性辨如瑜伽等或分為
七謂一流轉真如即諸行流轉實性一實相真如
謂思惟諸法無二我性三唯識真如即唯識性四
安立五邪行六清淨七正行上四即如次四諦體
性如顯揚說或分為十十地當明或有百門十
無盡如今經辨則上來所列皆是其中一義設言
通一切法亦一義耳鈔二明種類總有六門謂

一。二。三。七。十。及百為六類一中有三及六真如并
八真如總有十義餘如十藏及前諸會已說唯七
真如今當說之即顯揚論第三卷攝事品第一之
二論曰真如作意相者謂緣七種徧滿真如作意
廣說如經一流轉真如作意謂已見諦諸菩薩以
增上法行善修治作意於深淨法時思惟諸行無
始時來流轉實性既思惟已離無因見及不平
見二實相真如作意謂如前說乃至於染淨法因
思惟諸法眾生無我性及法無我性既思惟已一
切身見及思惟分別眾相作意不復現行三唯識

真如作意謂如前說乃至於染淨法所依思惟諸
法唯識之性既思惟已如實了知唯心染故眾生
染唯心淨故眾生淨四安立真如作意謂如前說
乃至於染淨法體思惟苦諦既思惟已欲令知故
為有情說五邪行真如作意謂如前說乃至於染
法因思惟集諦欲令斷故為有情說六清淨真如
作意謂如前說乃至於清淨法體思惟滅諦既思
惟已欲令證故為有情說七正行真如作意謂如
前說乃至於清淨行思惟道諦既思惟已欲令修
故為有情說釋曰作意之義即菩薩觀餘可知疏

但別名累屬而已

疏三辨德用一成依持用與一切法而為所依此
能持故二成觀境謂為賢聖證觀境故亦是百門
之一德耳起信說有三大一者體大謂真如平等
不增減故二相大謂具足無量性功德故三用大
能成一切世間出世間善因果故然彼依心說於
三大真如乃是其一以一統二皆屬如然違真
名惡契如則滅順真為善稱如則大約善順義故
說如為善因然違順雖殊離如則無可違故惡亦
以如為體若會此經百門之內或體或相或用或

華嚴疏鈔卷三十 五

兼實則一一皆通體等故為百門融通理事使重
重無盡猶如帝網鈔一成依持用者即唯識論
真如為迷悟依如四轉依義中廣辨十地再辨起
信等者疏文有四一引論三大全是論文而體大
中一者體大下欠一切法言耳斯即立義分中彼
疏釋體云真性深廣而凡聖染淨皆以為依故受
大名隨流加染而不增反流除染而不減又反流
加淨而不增隨流闕淨而不減良以染淨之所不
虧始終之所不易故云平等不增減也二相大論
云謂如來藏具足無量性功德故疏釋云一種藏

中不空如來藏也今疏畧無如來藏言但約真如
以說相故謂不異體之德故云性功德也如水八
德不異於水三用太全同彼疏釋云謂隨淨業約
自然大用報化二身籠網之用令諸眾生始成世
善終成出世善故彼論下文具顯用相然彼依心
下第二對會今經亦是解妨妨云彼論於依一心
法而立三大真如乃是其一何得真如具三大耶
故彼立義分中云摩訶衍者總說有二種一者法
二者義所言法者謂眾生心是心則攝一切世間
出世間法依於此心顯是摩訶衍義所言義者則

華嚴疏鈔卷三十 五

有三種一者體大等通局既異何得引耶故下通
云以一統二二皆屬如故下解釋分中分為三門
真如即是一法界大總相法門體又此二門不相
離故故如必有相用二也然違真下三釋用大義
似太局亦各解妨妨云真如既為一切法體隨流
成法何得不言能生惡因果耶故為此通是以環
略經云始起一想住於緣順第一義諦名之為善
背第一義諦名之為惡約違義邊不言生惡於中
先明不言生惡所以然違順雖殊下釋為惡體藏
和尚云以違真故不得離真以違真故非其用也

故今疏云離如則無可違故不離也如波違水離
水無波若會此經下第四會釋經文具闕至下當
知
疏四約教不同可以思準鈔四約教不同者小
乘但有生空始教即立二空及六七等不即於事
終教則即事即如頓教多用非安立義圓教即是
百門重重無盡
疏五釋文者然此百門古釋非一一英法師十
分之如次配於十位中如一賢首位二十住三千
行四十向五淨心地六行迹地七決定地八究竟

地九等覺地十佛地更有諸德各分十門賢首並皆不許遠公分三初十配地前次八十八句配地上後二句佛地中如理皆難通佛地何以無前如德如第二門眞實爲性何以不得通於諸位若取隨位之德以立如各如十地十如理則可通然又不出其相實則百門之德必貫之一如能如之德豈無異相與相難見且從不分分亦無過故末句云究竟清淨義同於果鈔理皆難通下二辨順違於中二意初奪分者次若取下縱成分義責不出相貌後實則縱成二義

疏今且十科之以配十地十如鈔今且十下三申今正解上辨順違二皆有理後有究竟分則理長

疏初偏一切及無相爲相等即偏滿眞如之義鈔初偏一切下別顯即爲十段依唯識第九前雖隨地別釋今爲對文類例併舉今初偏一切處及無相爲相即偏滿眞如謂此眞如二空所顯無有一法而不在故世親釋云謂此法界偏一切行以無少法非無我故今言一空無有一法非一空故今疏云偏滿一切偏滿義彰無相爲相即二空相

華嚴疏鈔卷三十

三

疏二中無能測量無有比對即最勝義鈔二中等者唯識釋最勝眞如云謂此眞如具無邊德於一切法最爲勝故注云由能離化戒垢證此眞如德莊嚴故今無測無對即最勝義

疏三中於法無礙爲衆法眼即勝義鈔三中下論釋勝義眞如云謂此眞如所流教法於餘教法最爲勝故注由得二慧照大乘教法觀此法教根本眞如名勝義眞如或證此如說法勝故今云於法無礙即教法等爲衆法眼亦勝義矣

疏四中無著無任等即無攝受義鈔四中等者

論云四無攝受眞如謂此眞如無所繫屬非我執等所依取故世親解云於此如中無計我所無攝我所如北洲人無繫屬故應說此如非我執我慢我愛無明邊見我所見等所依取故今無著無任即無攝受

疏五中畢竟無盡無有變易即類無別義鈔五中下論云五類無別眞如謂此眞如類無差別非如眼等類有異故注謂生死涅槃二皆平等故無差別今竟無盡變易有別耶

疏六中無有分別體性無生即無染淨義鈔六

華嚴疏鈔卷三十 五

中下論云六無染淨眞如謂此眞如本性無染亦不可說後方淨故中邊釋云由六地觀十二因緣知緣起法無染無淨非謂如也由眞如故法無染淨者此眞如爲無染淨今無分別何有染淨

疏七中無所不在任有無法即法無別義鈔七中下論云七法無別眞如謂此眞如雖多教法種種安立而無異故注雖諸教法伏如建立如無異故今無所不在何有別耶有無同如法豈別耶疏八中體性清淨體性平等即不增減義鈔八中下論云八不增減眞如謂此眞如離增減執不

隨染淨有增減故即此亦名相土自在所依眞如謂若證得此眞如已現相現土俱自在故注謂凡位不減聖位不增故今清淨平等豈有增減

疏九中偏一切法是佛境界即智自在義鈔九中下論云九智自在眞如謂若證得此眞如已於無礙解得自在故注謂此地中得無礙解名智自在今偏一切智何不知是佛境界眞自在也

疏十中任一切地成就一切諸佛菩薩等即業自在義其中餘義可以類取鈔十中下論云十業自在眞如謂若證得此眞如已普於一切神通作

業總持定門皆自在故今任一切地成佛菩薩業自在矣然此十如約詮辨體若不爾者且如非先不偏今者方偏若不約詮說偏何法上來畧取文中各有二義以成其名餘各八義取類本名可以意得

疏隨地別顯唯說十如一具一切十成百欲顯如德無量無邊鈔隨地別顯下第二解妨總有四妨第一十百不同妨謂有妨云彼唯十如此中說百何要將百以同十耶故疏釋云爲順十地且說十如理實眞如具無盡德十十融攝且說百門

百十皆是一周圍數順無盡耳

疏地前通修等覺偏等如來窮證鈔地前通修者第二通前後無如妨妨云將百門如配十地如地前等妙應無如矣故爲通云地前通修十如等覺偏等十如妙覺窮證十如但同地如無不同矣疏然異從義別體本常融但契一如自合衆德非由作意順差別如能通迴向亦融攝無礙鈔然異從下第三通如觀難成妨妨云十地菩薩一地之內唯觀一如加行既成方證其一今羅百數成觀何由况一味之如何由契合故今答云約行布

華嚴疏鈔卷三十

三

說別證十如就圓融修一合衆妙加行有異說十不同正證相應本唯一味隨門入理畧有百門若契一門自合衆妙如海一滴味具百川牽衣一角全體來矣故唯識云雖眞如性體無差別而隨勝德假立十種十既假立百門亦然德用多門非體不一言能同迴向者由如融攝行順於如亦融攝矣故初地中偏達十如隨能證行後後建立疏稱如起行體即是如但人信如德尚迷迴向故以如德喻迴向德若取文義便者應云眞如體相偏一切處善根迴向以同如故亦偏一切無邊際

等又徧一切方得同如。鈔稱如起行下第四通。是問非如妨妨云夫如普徧無法非如何有外。別有趨向以爲所喻通意有二一以其所信喻所不信。二若取文義下。立爲體式則無前難。疏百門之內各有二句上卽所同之如德下善根下能同迴向之德。鈔百門之內下第三釋文於中有二先總。

譬如真如徧一切處無有邊際善根迴向亦復如是。徧一切處無有邊際譬如真如真實爲性善根迴向亦復如是。一切法真實爲性譬如真如恒守本性。

華嚴疏鈔卷二十

天

三

無有改變善根迴向亦復如是守其本性始終不改。譬如真如以一切法無性爲性善根迴向亦復如是。一切法無性爲性譬如真如無相爲相善根迴向亦復如是。一切法無相爲相譬如真如有得者終無退轉善根迴向亦復如是若有得者於諸佛法永不退轉譬如真如一切諸佛之所行處善根迴向亦復如是。一切如來所行之處譬如真如離境界相而爲境界善根迴向亦復如是離境界相而爲三世一切諸佛圓滿境界譬如真如能有安立善根迴向亦復如是。悉能安立一切衆生譬如真如性常隨順。

善根迴向亦復如是盡未來劫隨順不斷。

疏最初十中初門顯在緣中故無不徧二明不變。故云真實三明隨緣卽不變云恒守本性四示其性五示其相此五一向就如以辨次一對智以說故爲智境八顯真如非境爲境謂要忘境方契如境故如之本性非安立故九卽安立如十卽如常之義餘可思準逐難當解。鈔後最初下別既依十如則十科之。

譬如真如無能測量善根迴向亦復如是等虛空界。盡衆生心無能測量譬如真如充滿一切善根迴向。

亦復如是一利那中普周法界。

疏十二云充滿一切者謂若色若心若大若小等。極微利那亦皆圓滿非分滿故如不可分分則多。過卽出此義及下四十不離諸法故諸法隨如徧一塵中故下果中得此門故。一毛容納一切利等。

譬如真如常住無盡善根迴向亦復如是究竟無盡。譬如真如無有比對善根迴向亦復如是普能圓滿。一切佛法無有比對。

疏十四無比對者法性不並真故。譬如真如體性堅固善根迴向亦復如是體性堅固。

非諸惑惱之所能沮譬如真如不可破壞善根迴向亦復如是。一切衆生不能損壞。

疏十五惑不能壞十六人不能壞。譬如真如照明爲體善根迴向亦復如是以普照明而爲其性。

疏十七寂而常照智卽如用故。譬如真如無所不在善根迴向亦復如是於一切處悉無不在譬如真如徧一切時善根迴向亦復如是徧一切時譬如真如性常清淨善根迴向亦復如是住於世間而體清淨譬如真如於法無礙善根迴向亦復如是。周行一切而無所礙譬如真如爲衆法眼。

疏二十二既以照明爲體何無照觸之眼又由見如成法眼故。大般若云三世諸佛皆以性空而爲佛眼。鈔大般若若者見性爲佛眼故。

譬如真如性無勞倦善根迴向亦復如是修行一切苦行恒無勞倦譬如真如體性甚深善根迴向亦復如是其性甚深譬如真如無有一物善根迴向亦復如是了知其性無有一物譬如真如性非出現善根迴向亦復如是其體微妙難可得見譬如真如。

離衆垢翳善根迴向亦復如是慧眼清淨離諸疑翳。譬如真如性無與等善根迴向亦復如是成就一切諸善行最上無等譬如真如體性寂靜善根迴向亦復如是善能隨順寂靜之法譬如真如無有根本善根迴向亦復如是能入一切無根本法。

疏三十云無根本者前無所依故卽無住本故。譬如真如體性無邊善根迴向亦復如是淨諸衆生其數無邊譬如真如體性無著善根迴向亦復如是畢竟遠離一切諸著譬如真如無有障礙善根迴向亦復如是除滅一切世間障礙譬如真如非世所行。

善根迴向亦復如是。非諸世間之所能行譬如真如體性無住善根迴向亦復如是一切生死皆非所住。譬如真如性無所作善根迴向亦復如是一切所作悉皆捨離譬如真如體性安住善根迴向亦復如是安住真實。

疏三十七云安住者由無所住安住真實故。譬如真如與一切法而共相應善根迴向亦復如是與諸菩薩聽聞修習而共相應譬如真如一切法中性常平等善根迴向亦復如是於諸世間修平等行譬如真如不離諸法善根迴向亦復如是盡未來際不捨世間譬如真如一切法中畢竟無盡善根迴向亦復如是於諸衆生迴向無盡。

疏四十一畢竟無盡者雖在諸法諸法盡而體常。又正在法中取不可盡如芥子之空故。譬如真如與一切法無有相違善根迴向亦復如是不違三世一切佛法譬如真如普攝諸法善根迴向亦復如是盡攝一切衆生善根譬如真如與一切法同其體性善根迴向亦復如是與三世佛同一體性譬如真如與一切法不相捨離善根迴向亦復如是攝持一切世出世法譬如真如無能映蔽善根迴向亦復如是。

疏五十二

疏五十三

疏五十四

疏五十五

亦復如是。一切世間無能映蔽。譬如真如不可動搖。善根迴向亦復如是。一切魔業無能動搖。譬如真如性無垢濁。善根迴向亦復如是。修菩薩行無有斷。譬如真如無有變易。善根迴向亦復如是。惡念眾生心無變易。譬如真如不可窮盡。善根迴向亦復如是。非諸世法所能窮盡。譬如真如性常覺悟。善根迴向亦復如是。普能覺悟一切諸法。

疏五十一。性常覺悟者。能內熏發起。厭求故。

譬如真如不可失壞。善根迴向亦復如是。於諸眾生起勝志願。永不失壞。

疏五十二。不可失壞者。在於生死。染而不染故。

譬如真如能大照明。善根迴向亦復如是。以大智光照諸世間。

疏五十三。即大智光明。徧照法界義故。

譬如真如不可言說。善根迴向亦復如是。一切言語所不可說。

疏五十四。離言真如。

譬如真如持諸世間。善根迴向亦復如是。能持一切菩薩諸行。譬如真如隨世言說。善根迴向亦復如是。隨順一切智慧言說。譬如真如徧一切法。善根迴向。

華嚴疏鈔卷三十

疏五十五

亦復如是。徧於十方。一切佛刹。現大神通。成等正覺。譬如真如無有分別。善根迴向亦復如是。於諸世間。無所分別。譬如真如徧一切身。善根迴向亦復如是。徧十方利無量身中。譬如真如體性無生。善根迴向亦復如是。方便示生。而無所生。譬如真如無所不在。善根迴向亦復如是。十方三世諸佛土中。普現神通。而無不在。

疏六十一。無所不在者。上徧一切。即無邊際。今隨

一一法。皆全在中。

譬如真如徧在於夜。善根迴向亦復如是。於一切夜。

放光明。施作佛事。

疏六十二。在晝夜乃至盡未來者。一念長劫。各各

收如各各。依如故。得念劫互收互入。

譬如真如徧在於晝。善根迴向亦復如是。悉令一切在晝。眾生見佛。神變演不退輪。離垢清淨。無空過者。譬如真如徧在半月。及以一月。善根迴向亦復如是。於諸世間。次第時節。得善方便。於一念中。知一切時。

譬如真如徧在年歲。善根迴向亦復如是。任無量劫。明了成熟。一切諸根。皆令圓滿。譬如真如徧成壞劫。善根迴向亦復如是。任一切劫。清淨無染。教化眾生。

華嚴疏鈔卷三十

疏六十三

咸令清淨。譬如真如盡未來際。善根迴向亦復如是。盡未來際。修諸善法。清淨妙行。成滿大願。無有退轉。譬如真如徧在三世。善根迴向亦復如是。令諸眾生。於一刹那。見三世佛。未曾一念。而有捨離。譬如真如徧一切處。善根迴向亦復如是。超出三界。周徧一切。悉得自在。譬如真如徧有無法。善根迴向亦復如是。了達一切。有無之法。畢竟清淨。

疏七十。任有無者。理無惑計。有無常實故。鈔理無惑計者。即生公十四科實相義中。具云。夫感情所封。則兩端斯失。失理背宗。所計皆虛。理無惑計。

則有無並實。實則說空。可以祛滯。有者之惑。明有可以釋空。空者之迷。斯則空有二教。自俱得實釋。曰此中有二初約情。非二約理。是三約教。真今當其中。但用理是。

譬如真如體性清淨。善根迴向亦復如是。能以方便。集助道法。淨治一切諸善。隨行譬如真如體性明潔。善根迴向亦復如是。令諸菩薩。悉得三昧明潔之心。疏七十二。性覺為明。離念為潔。

譬如真如體性無垢。善根迴向亦復如是。遠離諸垢。滿足一切諸清淨意。譬如真如無我。我所善根迴向。

亦復如是。以無我我所清淨之心。充滿十方諸佛國土。譬如真如體性平等。善根迴向亦復如是。復得平等。一切智慧。照了諸法。離諸疑翳。譬如真如起諸數量。善根迴向亦復如是。與起數量。一切智乘。大力法。咸而回止。任徧徧十方。一切世界。廣大法界。譬如真如平等。安住善根迴向亦復如是。發生一切諸善。隨行平等。任於一切智道。譬如真如徧任一切諸眾生。界善根迴向亦復如是。滿足無礙。一切種智。於眾生界。悉現在前。譬如真如無有分別。普任一切音聲。智中善根迴向亦復如是。具足一切諸音。音智能普示。

現種種音。音開示眾生。譬如真如永離世間善根迴向亦復如是。普使眾生。永出世間。譬如真如體性廣大。善根迴向亦復如是。悉能受持。去來今世。廣大佛法。恒不忘失。勤修一切善法。隨行譬如真如無有間息。善根迴向亦復如是。為欲安處一切眾生。於大智地。於一切劫。修諸善法。無有間息。譬如真如體性寬廣。徧一切法。善根迴向亦復如是。淨念無礙。普攝一切。寬廣法門。譬如真如徧攝諸品。善根迴向亦復如是。是證得無量品類之智。修諸善法。隨行譬如真如無所取著。善根迴向亦復如是。於一切法。皆無所取著。

華嚴疏鈔卷三十

疏六十四

取除滅。一切世間。取著。普令清淨。譬如真如體性不動。善根迴向亦復如是。安住普賢圓滿行願。畢竟不動。譬如真如是佛境界。善根迴向亦復如是。令諸眾生。滿足一切大智境界。滅煩惱境。悉令清淨。譬如真如無能制伏。善根迴向亦復如是。不為一切眾魔事業。外道邪論之所制伏。譬如真如非是。可修。非不可修。善根迴向亦復如是。捨離一切妄想。取著。於修不修。無所分別。

疏八十九。非可修者。無所得故。非不可修者。為聖境故。

譬如真如無有退捨善根迴向亦復如是常見諸佛發善根心大善莊嚴永無退捨譬如真如普攝一切世間言音善根迴向亦復如是能得一切差別言音神通智慧普發一切種種言詞譬如真如於一切法無所希求善根迴向亦復如是令諸眾生乘普賢乘而得出離於一切法無所貪著譬如真如住一切地善根迴向亦復如是令一切眾生捨世間地住智慧地以普賢行而自莊嚴譬如真如無有斷絕善根迴向亦復如是於一切法得無所畏隨其類音處處演說無有斷絕譬如真如捨離諸漏善根迴向亦復如是

華嚴疏鈔卷二十

三

是令一切眾生成就法智了達於法圓滿菩提無漏功德

疏九十五捨離諸漏者準梵本云阿那羅漢轉此云無漏今言捨者性本捨故猶心體離念

譬如真如無有少法而能壞亂令其少分非是覺悟善根迴向亦復如是普令開悟一切諸法其心無量徧周法界

疏九十六云無有少法而能壞亂令其少分非覺悟者如徧非情則有少分非是覺悟况經云佛性除於瓦石論云在非情數中名為法性在有情數

中名為佛性明知非情非有覺性故應釋言以性從緣則情非情異為性亦殊如涅槃等况緣從性則非覺不覺本絕百非言亡四句若二性互融則無非覺悟起信云以色性即智性故說名智身以智性即色性故說名法身徧一切處論云普提菩提斷俱名為菩提說智及智處俱名為般若亦可證此既二性相即緣復即性故無少分非覺悟者况心為總相又融攝重重哉鈔無有少下文中文三意初釋經如徧非情下設難二故應釋云下會通然此段疏為通安執一切無情有佛性我就

計此義自有淺深一謂精神化為土木金石泉現現以成於子情變非情非情變情斯為邪見不異外道眾生計生草木有命故不可也若說無情同一性故則稍近宗亦須得意彼本立意約於真如自體徧故真實之性無有二故涅槃經說第一義空為佛性故一切法中有安樂性攝境從心無非心故色性智性體無二故如是等文諸經具有今謂此釋太即太過失情無情壞於性相若以涅槃第一義空該通心境涅槃何以揀於瓦礫言無性耶廣如別破今直顯正義謂性與相非一非異

情與非情亦非一非異故應釋言以性從緣等一好涅槃者揀去牆壁瓦礫等故一無覺不覺者真性之中無心境故二無非覺悟以無情性融覺性故故引起信文畧一句然其此義前已引竟今此復要彼論通問問云若諸佛法身離於色相者云何能現種種色相答即此法身是色體故能現於色所謂從本已來色心不二以色性即智性故色體無形說名智身以智性即色性故說名法身徧一切處今取二性相即互融之義說耳論云等者引證非正證前故云亦可證此可為證者智及智

華嚴疏鈔卷二十

三

處同般若故既二性下結釋經文况心為總相下舉况以釋前結一性義今結唯心義總相則無所不攝又融攝重重即本經意隨舉一塵即合法界何今色境非一性耶

譬如真如過去非始未來非末現在非異善根迴向亦復如是為一切眾生新新恒起菩提心願普使清淨永離生死

疏九十七云過去非始等者過去初際所以名始未來為終故稱為末現在似有已未分之無變住時故名為異今明真如雖徧三世之中體絕三世

初中後相故並言非迴向亦爾雖為眾生新新起願同彼真如徧三世中而今永離三世生死之相方各清淨而晉本云過去非同未來非故現在非異若以今文會取非同過去之始雖在未來非是性本故有又晉經誤將後門三世無分別同入此門致令百數闕一紛然異解繁不敘之

華嚴疏鈔卷二十

三

三世總顯非新今無分別亦明非故而性相互融能新能故新故變絕矣

譬如真如成就一切諸佛菩薩善根迴向亦復如是發起一切大願方便成就諸佛廣大智慧譬如真如究竟清淨不與一切諸煩惱俱善根迴向亦復如是能滅一切眾生煩惱圓滿一切清淨智慧

佛子菩薩摩訶薩如是迴向時得一切佛刹平等普嚴淨一切世界故得一切眾生平等普為轉無礙法輪故得一切菩薩平等普出生一切智願故得一切諸佛平等觀察諸佛無二故得一切法平等普知

諸法性無易故得一切世間平等以方便智善解一切語言道故得一切菩薩行平等隨種種善根盡迴向故得一切時平等勤修佛事於一切時無斷絕故得一切業果平等於世出世所有善根皆無染著咸究竟故得一切佛自在神通平等隨順世間現佛事故佛子是為菩薩摩訶薩第八真如相迴向

疏第二迴向成益及結名並顯可知

菩薩摩訶薩任此迴向證得無量清淨法門能為如來大師子吼自在無畏以善方便教化成就無量菩薩於一切時未曾休息得佛無量圓滿之身一身充

徧一切世界得佛無量圓滿音聲。一音開悟一切衆生得佛無量圓滿之力。一毛孔中普能容納一切國土得佛無量圓滿神通諸衆生於一塵中得佛無量圓滿解脫。於一衆生身示現一切諸佛境界成等正覺得佛無量圓滿三昧。一三昧中普能示現一切三昧得佛無量圓滿辨才說一句法窮未來際而不可盡悉除一切衆生疑惑得佛無量圓滿衆生具佛十力盡衆生界示成正覺。

疏大文第二菩薩任此下明位果初際得因後證得下正顯所得文有十句初總餘別皆云無量者

同如廣大無盡故皆云得佛者同佛所證故作佛事故。

佛子是爲菩薩摩訶薩以一切善根願具如相廻向。

疏大文第二佛子下總以結示。

爾時金剛幢菩薩承佛威力普觀十方而說頌言。

疏第二應頌二十九偈分四。

菩薩志樂常安住正念堅固離癡惑其心善軟恒清涼積集無邊功德行。

菩薩謙順無違逆所有志願悉清淨已得智慧大光明善能照了一切業。

華嚴疏鈔卷三十 望

疏初六頌隨相於中先二所廻行體。

菩薩思惟業廣大種種差別甚希有決意修行無退轉以此饒益諸眾生。

諸業差別無量種種菩薩一切勤修習隨順衆生不違意普令心淨生歡喜。

已升調御人尊地離諸熱惱心無礙於法於義悉善知爲利羣生轉勤習。

以妙智慧恒觀察究竟廣大眞實理斷諸有處悉無餘如彼眞如善廻向。

譬如眞如如編一切如是普攝諸世間菩薩以此心廻向悉令衆生無所著。

菩薩願力徧一切譬如眞如無不在若見不見念悉周悉以功德而廻向。

夜中隨任晝亦任半月一月亦隨任若年若劫悉任中眞如如是行亦然。

所有三世及刹土一切衆生與諸法悉任其中無所任以如是行而廻向。

華嚴疏鈔卷三十 望

譬如眞如如本自性菩薩如是發大心眞如所在無不在以如是行而廻向。

譬如眞如如本自性其中未曾有一法不得自性是眞性以如是業而廻向。

如眞如相業亦爾如眞如性業亦爾如眞如性本眞實業亦如是同眞如。

譬如眞如無邊際業亦如是無有邊而於其中無縛著是故此業得清淨。

疏二有十六偈頌離相廻向於中先九頌對如廣辨。

如是聰慧眞佛子志願堅固不動搖以其智力善通達入於諸佛方便藏。

覺悟法王眞實法於中無著亦無縛如是自在心無礙未曾見有一法起。

如來法身所作業一切世間如彼相說諸法相皆無相知如是相是知法。

菩薩任是不思議於中思議不可盡入此不可思議處思與非思皆寂滅。

如是思惟諸法性了達一切業差別所有我執皆除滅任於功德無能動。

華嚴疏鈔卷三十 望

菩薩一切業果報悉爲無盡智所印如是無盡自性盡是故無盡方便滅。

菩薩觀心不在外亦復不得任於內知其心性無所有我法皆離永寂滅。

疏後七却頌約法直明菩薩任是不思議等宜善思之。

彼諸佛子如是知一切法性常空寂無有一法能造作同於諸佛悟無我。

了知一切諸世間悉與眞如性相等見是不可思議相是則能知無相法。

若能任是甚深法常樂修行菩薩行爲欲利益諸羣生大誓莊嚴無退轉。

是則超過於世間不退生死妄分別了達其心如幻化勤修衆行度羣生。

菩薩正念觀世間一切皆從業緣得爲欲救度修諸行普攝三界無遺者。

了知衆生種種異悉是想行所分別於此觀察悉明了而不壞於諸法性。

疏三彼諸佛子下六偈頌廻向成益。

智者了知諸佛法以如是行而廻向哀愍一切諸衆。

小令於實法正思惟。

疏四一偈結廻向意並可知。

信官黃承吳捐資七兩一錢五分二

一卷伏願

大方廣佛華嚴經疏鈔卷三十一

于闐國三藏沙門實叉難陀譯
清涼山大華嚴寺沙門澄觀撰述

十迴向品第二十五之九

佛子。云何為菩薩摩訶薩無著無縛解脫迴向。

疏第九無著無縛解脫迴向。長行中亦先明位行。後顯位果。前中亦三。今初牒名。微起謂理智無依。不為能所見著。相惑所縛。由此即名解脫。此約行體釋之。故本業云。以諸法無二。般若無生。二諦平等。三世一合。相故又解脫者。亦作用自在。如不思議等。此約行用。由攝普根。皆用迴向普賢三業。無邊自在。德用故。鈔今初。若約行釋。無縛著。引證中諸法無二。所見無著。般若無生。能見無著。二諦平等。通上所結諸法。即無二。般若即無生。三世一合。相堅論無著。一合相言。文在二。世義通前。三。者一切法無二。一者般若無知。二者上。一契合。

華嚴疏鈔卷三十一

疏於何無縛著。即謂心等十。以自身有心身口業。果及所作佛事。有世界佛利眾生法智等。故不為何等所縛著。即略如上說。別有十事。五。對。一。由離。凡故不縛生死。以出小乘。不著二乘。一離六識。取不縛外境。離第七執。不著於內。三離現行縛。無種子著。四不取有縛。不執空著。五無惑障縛。無智障著。皆縛。離著。細若約一事。由著故縛。義如總中惑縛著一義。鈔於何已下。三約解釋解脫之言。具有五義。一生死為能縛。由離凡故不縛。言不縛生死者。不為生死所縛耳。此即相不縛。不著二乘。即所見不著。二境相不縛。能見不著。三現惑不縛。所見不著。種子即所見故。四有不能縛。所見空不能著。五惑不能縛。見智不著。故雖十事。不出相惑及能所見也。

華嚴疏鈔卷三十一

疏此約無礙大用受名。通能所迴向。納脫惑障。無縛無著。即是解脫。約用解脫。乃無縛著之解脫。若望心等。亦是無縛著之心。即上體用並為其性。佛子是。菩薩摩訶薩。於一切善根。心生尊重。所謂於出生死心。生尊重。於攝取一切善根。心生尊重。於希求一切善根。心生尊重。於悔諸過業。心生尊重。於隨喜善根。心生尊重。於禮敬諸佛。心生尊重。於合掌恭敬。心生尊重。於頂禮塔廟。心生尊重。於勸佛說法。心生尊重。於如是等種種善根。皆生尊重。隨順忍可。

五知見逾明

以諸善根如是迴向。所謂以無著無縛解脫心。成就普賢身業。以無著無縛解脫心。清淨普賢語業。以

若無縛解脫心。圓滿普賢意業。以無著無縛解脫心。發起普賢廣大精進。

疏第二正明願行中。義有十門。文分為二。第一廣顯其相。二佛子。菩薩摩訶薩。以彼善根如是迴向。所謂心無縛下。總結多門。前中分二。先明眾生及善提迴向。後佛子。菩薩摩訶薩。以無著無縛解脫心。迴向不分別下。實際迴向。前明廣大後顯甚深。廣大迴向。有六十一門。甚深之內。有二十門。并前尊重進修。復二十門。總有百一門。顯圓滿無盡深廣無礙。為大迴向。就廣大六十一門。廣顯普賢自在德用。大分為二。初之四門。總顯餘皆別明。今初前三成三業。以下諸門。不出三業。故後一精進。通策萬行。故於中無著無縛解脫心。是能迴之心。成就普賢身業。正是所向。他皆做此。前諸善根。即是所迴。故以諸善根之言。下流八十門內。此一迴向。不願成佛。願成普賢者。以普賢通於位前。及以位後得道。不捨因行。窮盡生界。利樂有情。故願成普賢。兼二迴向。下別顯中。一一門內。皆攝法界自在德用。或理。或行。或智。或境。或自行。或化生。或體。或用。或因。或果。或人。或法。皆各總攝一切法。故不可相從。鈔願成普賢者。位後普賢是佛。即向菩提等覺。位前即向眾生。

華嚴疏鈔卷三十一

以無著無縛解脫心。具足普賢無礙音聲陀羅尼門。其聲廣大。普徧十方。以無著無縛解脫心。具足普賢見一切佛陀羅尼門。恒見十方一切諸佛。以無著無縛解脫心。成就解了一切音聲陀羅尼門。同一切音說無量法。以無著無縛解脫心。成就普賢一切劫在陀羅尼門。普於十方修菩薩行。

疏別科畧分為二。初二。三門。顯普賢自分究竟。即位中普賢。後二十四門。顯普賢勝進究竟。即位